

habitztzea dute, eta horretan zintzilikatzen da, hiru gauetako gure sorkunak  
eta gure sorkunaren zintzilikatzea. Hala ere, gure sorkunaren zintzilikatzea  
gure sorkunaren zintzilikatzea. Hala ere, gure sorkunaren zintzilikatzea  
gure sorkunaren zintzilikatzea.

## José María Sagarra (G. B.)

Oraintxe betetzen dira bederatzi urte Jose Maria Sagarra ezagutu genduala. Bartzelona'n bertako adiskide batek aurkeztu zigun, ta naikoa izandu zan egokiera artan berarekin egin genduan orduerdi bateko itzaspertutxoa, kristau on, gizon argi ta kulturaduna, ta olerkari benetakoa zala igartzeko.

Jose Maria Sagarra Casterllanau, Bartzelona'n, 1894'garren urtean jaio zan.

Jesuitekin batxiller egin zan ta Bartzelona'ko Ikastetxe Nagusian berriz lege-gizon.

Sagarra'k, gazte gaztetandik, literatura-saill-mota guziak erabilli ta landu zituan; baña, gure uste apalez, lendabizi ta bereziki olerkaria izandu zan, ta goienetakoa gañera.

Iritzemalle batzuek diote, olerkari bezala Verdaguer eta Maragall'en mallakoa dala. Alaz guziaz ere, baliteke geroko gizaldietan olerkari bezala baño teatro-egille bezala ezagunagoa izatea.

Dana dala, ezin uka olerkari txit bikaña izandu zala. Gañera, bertso-egille bezala olerkari gutxik izan dute neuritzak tajututzeko berak aiñako erraztasuna. *Poema de Montserrat*'ek bakarrik amasei milla bertsotitu.

Jose Maria Sagarra'ren poesi-bilduma ezagunenak auek dira: *Primer Llibre de poemes*, *El mal caçador*, *Joan de l'Os*, *Cançons de taberna i d'oblit*, *Cançons de rem i de vela*, *Cançons de totes les hores* —onekin irabazi zuan Fastenrath-saria—, *El Comte Arnau*, *Canço de Nadal*, *La rosa de cristall*, *Ancores i estrelles* ta len aitatutako *El Poema de Montserrat*.

Sagarra'k berak poesiari buruz idatzitako itzak dira auek: "Hay dos especies de poetas: quienes consideran la poesía como una evasión de su propia vida y como un momento aparte de su actividad moral,

y los que consideran la poesía inherente a la vida y a la actividad moral y que convierten a la poesía en su trabajo y su oficio y en ella saben ver una grandeza y una servidumbre.”

Baita beste auk ere: “La poesía es el tanto de emoción, pura, desinteresada y artística que por medio de las palabras puede recibir todo hombre normal.”

Auek ere bai: “En la poesía he visto mi servidumbre de obrero de mi propia lengua, esforzándome en vencerla y conquistarla, para hacer míos sus secretos y posibilidades, a precio de muchos años e insoslayable esfuerzo. En la poesía radicaba también la grandeza a que me fuera dado aspirar: la de haber colaborado con una aportación personal al monumento de una lengua y una cultura.”

Bere lenengo teatro-lana —*Rondalla d'espervers*— 1917'garren urtean idatzi zuan Sagarra'k, ta gerotzik ill arte tetro-saillean eten gabe jardun zan.

Berak bein batez idatzitako errenkadak dira auek: “Me interesa afirmar que si yo he estrenado más de cuarenta obras teatrales, más que por vanidad, más que por ganar dinero, y para justificar una manera de vivir, lo he hecho porque desde el primer momento me sentí vencido, abrumado y arrebatado por la luz divina y el vaho adorable del escenario, por su mentira deliciosa, y me sentí y me siento un enamorado sincerísimo de esa musa terrible del teatro.”

Ona Jose Maria Sagarra'k argitara emandako teatro-lan batzuen izenburuak: *Les veus de la terra*, *L'estudiant i la pubilla*, *L'hereu i la forastera*, *La Rambla de les floristes*, *El presigi dels morts*, *La Corona d'espires*, *L'Hostal de la Glòria* —auk biak eman omen zien egilleari dirurik geiena—, *La Plaza de Sant Joan*, *Galatea*, *La fortuna de Silvia*, *Marsal Prior*, *Gardenia*, *Café de la Marina* —azkeneko iru auek ziran egillearen beraren gogokoena—, *El senyor Perramont*, *El Fiscal Requesens*, *L'amor viu a dispesa ta La ferida lluminosa*.

*La ferida lluminosa* au, emen, Donostia'n, ta Peman'k erderara itzulita, orain urte gutxi Rafael Rivelles'ek eta Jose Maria Rodero'k *Kursal*'eko teatroan eman ziguten.

III zanean oraindik argitaratu gabeko teatro-lan bat ere utzia du. Bere izenburua, diotenez, *Esta vida nuestra* omen da.

Iritzemalle batek dio, Sagarra'k, teatro-egille bezala, Cataluña'ko XX'garren mendeko Lope de Vega izena merezí duala. Ta beste batek, berriz, bera dala Cataluña'ko Teatro osoaren erdia.

Badu iñiolaz ere Sagarra'ren teatroak nortasun nabarmena, baña alaere ezin uka beraren teatro ortan nabaitzen dala alako Hauptmann'en ta D'Annunzio'ren, *Pitarra'*ren ta Inazio Iglesias'en itzal arin bat.

*Novela* bat edo beste ere —*Paulina Buxareu*, esate baterako— idatzi zituan Jose Maria Sagarra'k. Baita *Memories* deritzaison itz-lauz aberats eta dotorean atondutako liburu ernagari bat ere.

*Periodista* bezala, berriz, lan eder ta ugari asko argitaratu eman zituan albistarietan, batez ere Bartzelona'ko “La Vanguardia” egunkarian ta “Destino” aldizkarian.

Gaiñerakoz, Cataluña'ko izkuntzara ere itzuli zituan, ta txit bi-kainki gañera, Dante'ren *La Divina Commedia* ta Shakespeare'n teatro-lan adituenak. Orobata, Molière, Goldoni, Gogol eta Pirandello'ren idaz-lan batzuek ere.

Beste batzuen artean, Jose Maria Sagarra'k, *Creixells, Iglesies, Folguera, Fastenrath* eta *Premio Nacional de Teatro* (1955) sariak irabazi zituan. Ta 1931ean *Mestre en Gai Saber* izendatua izan zan.

\* \* \*

“Cataluña'ko literaturaren doai garaien guziak beregan zeramazkien Jose Maria Sagarra'k”, esan du Néstor Lujan'ek.

Eta Lorenzo Gomis'ek berriz: “Bere izkuntza, catalanez mintzaten zanean, txit laua zan, ta idazten zuanean berriz, erriaren erraietan ernatu ta, beetik gora, poesi-argitasunaren izarretaraño igotzen zan.”

\* \* \*

Onatx bere *Chora* deritzaison poemaren zatitxo txiki bat:

“Aquesta gracia de la terra  
no crequis que amb la mort hagi acabat,  
ni resta sols amb la carnal desferra,  
que es pervinguda a la inmortalitat!

En el repos de l'altra vida,  
cada sant portarà en el ulls lluents  
la gracia i la claror de la florida  
del camp que trepitjava entre els vivents.”

Bertso auek euskeraz diote:

“Lurreko gatz hau  
ez pentsa heriotzearekin bukatuko denik,  
haragiaren hondakinekin joanen denik,  
ez hilkortasunari baitago emanik!  
Beste bizitzearen atsedenean  
santuek eramanen dute begi argietan,  
bizien artean zapaltzen zuten zelaiaren  
grazia ta bizkortasuna.” (1)

\* \* \*

Orain urtebete, “Destino” aldizkariaren Eguberri-zenbaki berezian argiratatu zuan lantxo batean onela zion Sagarra’k: “Gure atsegin-poz egiazkoa, borondate onez eta beatz biekin mundu ontako esamesen ta begiramenen beldur zoroa itoeraztean dago.”

\* \* \*

Oean illabete bian gaxo minbiziarekin —zeatzago esateko, biriketako *carcinoma*’rekin— igaro ondoren, joan dan Agorra’ren 27’an ill zan Jose Maria Sagarra Bartzelona’n, bere San Gervasio kaleko etxeian.

Ta, Ego-sartaldeko illerrian, Verdaguer, Guimerá ta Rusiñol’en illobien ondoan eortzia izandu zan.

Jainkoak Bere altzoan eduki beza.

---

(1) Itzulpen au Gabriel Aresti olerkariarena da.

A. ARRUE.

